

De Zwarte Plak

't Velt ni mei um wat te zegge
als ge neet wet wie 't huure mog
iederien kan good of fout zien
ge wet van alles neet genug
vul te jonk um 't te wiete
vul te jonk um door te sloan
ge wet amper wat 't woord beteikent
oerlog het altied bestoan
en als ge 's nachts de stemme in 't donker huurt
hoapte dat 't hiel snel anders wuurd

oaverdaag aalt wat te beleave
d'r is altied wal wat te doon
d'n ganse daag 't grutste leave
marcheren in soldoateschoon
minse die ow zeen
lache als ze ow zeen stoan
mar zeej zeen neet dat geej al doorhet
dat oerlog minse kan versloan
en als ge 's nachts de stemme in 't donker huurt
hoapte dat 't hiel snel anders wuurd

vul te lang neet kunne proate
vul te lang nar wurd gezocht
wat ge zut doon en zut goan zegge
mar 't waas vul stiller dan ge docht
toen ge hondsallien nar hoes kwaamt
vul te jonk um door te sloan
mar alt genug um 't te wiete
d'n oerlog din is noeit gedoan
en als ge 's nachts de stemme in 't donker huurt
wette dat 't noeit mier anders wuurd

't velt ni mei um wat te zegge
als ge neet wet wie 't huure wil
soms inens 'n oor lang proate
en dan wir daage vul te stil
't giet altied door, vroage oaver spiet en schuld
vroage wie 't beste af is, di met 'n hart of di niks vult

[Tekst en muziek: Jack Poels]

[cd 'Station America', HKM 1993]